

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Zaključka Vlade Zeničko-dobojskog kantona broj: 02-37-3381/18 od 26.02.2018. godine, na prijedlog Ministarstva zdravstva, Vlada Zeničko-dobojskog kantona, na 143. sjednici održanoj dana 14.05.2018. godine, d o n o s i

ZAKLJUČAK

I

Prima se na znanje Informacija o potrošnji lijekova sa Liste lijekova koji se propisuju na teret sredstava obaveznog zdravstvenog osiguranja za period od 01.01. do 31.12.2017. godine, Zavoda zdravstvenog osiguranja Zeničko-dobojskog kantona, sa prijedlogom mjera, koja je sastavni dio ovog Zaključka.

II

Zaključak stupa na snagu danom donošenja.

Broj: 02-_____/18.
Datum, 14.05.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x Zavod Zdravstvenog osiguranja ZDK (putem Ministarstva zdravstva),
1x a/a

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA
ZENICA**



**Informacija o potrošnji lijekova sa Liste lijekova koji se propisuju
na teret sredstava obaveznog zdravstvenog osiguranja za
period 01.01.-31.12.2017. godine**

Zenica, mart 2018. godine

Osnovne karakteristike potrošnje lijekova sa Liste lijekova koji se propisuju na teret sredstava obaveznog zdravstvenog osiguranja za period 01.01.-31.12.2017. godine

Lijekovi sa Esencijalne liste i njihova potrošnja predstavljaju veoma bitan segment finansiranja zdravstvene zaštite, obzirom da je procentualno učešće lijekova sa Esencijalne liste u Finansijskom planu Zavoda zdravstvenog osiguranja Zeničko-dobojskog kantona za 2017. godinu iznosilo 14,95% ukupnih rashoda i izdataka.

Na osnovu Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 6/15 i 5/16), koja je u primjeni od 01.09.2015. godine zdravstvene ustanove nisu dužne da učestvuju u pokriću iskazanog prekoračenja potrošnje lijekova u odnosu na ugovoreno opredjeljena sredstva, dok se uštede za potrošnju lijekova u cjelosti ustupaju zdravstvenim ustanovama, uz obavezu domova zdravlja da pripadajuće efekte ušteda doznače Kantonalnoj bolnici Zenica i Općoj bolnici Tešanj.

Vlada Zeničko-dobojskog kantona je donijela Odluku o pozitivnoj listi lijekova ("Službene novine Zeničko-dobojskog kantona", broj 9/16, 11/16 i 6/17), koja sadrži lijekove koji se mogu propisivati i izdavati na teret sredstava Zavoda zdravstvenog osiguranja Zeničko-dobojskog kantona, ista sadrži 1062 zaštićenih naziva, jačina i pakovanja lijekova.

Nova Odluka o listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona, kao i način njihovog propisivanja i izdavanja, u primjeni je od 21.6.2017.godine ("Službene novine Zeničko-dobojskog kantona", broj: 6/17).

Sve lijekove koji se finansiraju sredstvima obaveznog zdravstvenog osiguranja Zeničko-dobojskog kantona možemo svrstati u sljedeće grupe:

- Grupa I lijekovi sa važeće Liste lijekova čije propisivanje i izdavanje ide na teret sredstava obaveznog zdravstvenog osiguranja, koju čine lijekovi sa A, B, C, i D liste;
- Grupa II Lijekovi po posebnom odobrenju koje prema medicinskim indikacijama odobrava Ministarstvo zdravstva Zeničko-dobojskog kantona;
- Grupa III lista ampluliranih lijekova za primarnu zdravstvenu zaštitu javnih ugovornih ustanova Zeničko-dobojskog kantona;
- Grupa IV bolnička lista lijekova Zeničko-dobojskog kantona.

Važno je istaći da Zavod zdravstvenog osiguranja Zeničko-dobojskog kantona finansiranjem programa Fonda solidarnosti takođe učestvuje u finansiranju Liste lijekova Fedarelnog zavoda zdravstvenog osiguranja i reosiguranja, a to se odnosi na: citostatike, imunosupresive, hemodijalizne lijekove, antiviralnu terapiju, biološku terapiju i dr.

U sklopu redovnih aktivnosti praćenja potrošnje lijekova, čije propisivanje i izdavanje ide na teret sredstava obaveznog zdravstvenog osiguranja rađeni su mjesečni i kvartalni izvještaji o potrošnji lijekova u 2017. godini i isti su razmatrani na sjednicama Upravnog odbora Zavoda, na stručnim kolegijima Zavoda i na sjednicama Vlade Zeničko-dobojskog kantona.

Zavod zdravstvenog osiguranja je zahvaljujući mjerama stalnog nadzora i kontrole, uz uključivanje domova zdravlja u sistem kontrole preko formiranih komisija za kontrolu potrošnje lijekova pri svakom domu zdravlja i redovnom izvještavanju Zavoda i Ministarstva zdravstva o radu tih komisija o kontroli pisanja lijekova sa Liste lijekova, uspio održati pod kontrolom potrošnju lijekova u planiranim okvirima. Potrošnja lijekova za izvještajni period manja je za 2,17% u odnosu na isti period 2016. godine, a veća je za 1,26% u odnosu na ugovoreno opredjeljena sredstva po zdravstvenim ustanovama.

Pregled potrošnje lijekova za period 01.01.-31.12.2017. godine sa uporednim pokazateljima potrošnje za period 01.01.-31.12.2017. godine

R/B	ZDRAVSTVENA USTANOVA	POTROŠNJA ZA PERIOD I-XII 2016	POTROŠNJA ZA PERIOD I-XII 2017	POVEĆANJE POTROŠNJE	SMANJENJE POTROŠNJE	INDEX POTROŠNJE
1	2	3	4	5	6	7 (4/3)
1	DZ BREZA	762.577,49	774.059,14	11.481,65	0,00	101,51
2	DZ KAKANJ	2.002.975,13	1.896.910,38	0,00	106.064,75	94,70
3	DZ MAGLAJ	1.236.839,50	1.218.220,54	0,00	18.618,96	98,49
4	DZ OLOVO	598.137,68	545.307,90	0,00	52.829,78	91,17
5	DZ TEŠANJ	2.565.223,91	2.518.109,86	0,00	47.114,05	98,16
6	DZ USORA	199.218,36	191.792,23	0,00	7.426,13	96,27
7	DZ VAREŠ	446.386,39	445.446,78	0,00	939,61	99,79
8	DZ VISOKO	1.862.469,81	2.000.504,36	138.034,55	0,00	107,41
9	DZ ZAVIDOVIĆI	1.702.363,58	1.575.860,28	0,00	126.503,30	92,57
10	DZ ZENICA	5.761.191,97	5.539.774,16	0,00	221.417,81	96,16
11	DZ DOBOJ-JUG	405.971,31	401.551,61	0,00	4.419,70	98,91
12	DZ ŽEPČE	1.244.775,25	1.273.307,46	28.532,21	0,00	102,29
I	UKUPNO:	18.788.130,38	18.380.844,70	178.048,41	585.334,09	97,83

Evidentno najveće povećanje potrošnje lijekova u odnosu na potrošnju iz 2016. godine ima dom zdravlja Visoko, sa domovima zdravlja Žepče i Breza bilježi povećanje potrošnje u iznosu od 178.048,41 KM dok ostali domovi zdravlja bilježe manju potrošnju lijekova u odnosu na 2016. godinu.

Potrošnja lijekova označenih u Grupi I sa važeće Liste lijekova čije propisivanje i izdavanje ide na teret sredstava obaveznog zdravstvenog osiguranja, za period 01.01.-31.12.2017. godine iznosi 18.380.844,70 KM. Na ovaj iznos je potrebno dodati utrošak za inzuline od 4.735.666,74 KM, što ukupno iznosi 23.116.511,44 KM.

Zavod je za izvještajni period 2017. godine, imao manju potrošnje lijekova u procentualnom iznosu od 2,17% u odnosu na isti period 2016. godine.

Pregled potrošnje lijekova za period 01.01.-31.12.2017. godine zajedno sa prekorachenjima i uštedama potrošnje u odnosu na opredjeljeno-ugovorena sredstva

R/B	ZDRAVSTVENA USTANOVA	POTROŠNJA ZA PERIOD I-XII 2017	OPREDJELJENO-UGOVORENA SREDSTVA ZA I do XII-2017	INDEX POTROŠNJE (3/4)	PREKORAČENJE (3-4)	UŠTEDA (4-3)
1	2	3	4	5	6	7
1	DZ BREZA	774.059,14	663.918,00	116,59	110.141,14	0,00
2	DZ KAKANJ	1.896.910,38	1.840.425,00	103,07	56.485,38	0,00
3	DZ MAGLAJ	1.218.220,54	1.112.934,00	109,46	105.286,54	0,00
4	DZ OLOVO	545.307,90	540.799,00	100,83	4.508,90	0,00
5	DZ TEŠANJ	2.518.109,86	2.067.040,00	121,82	451.069,86	0,00
6	DZ USORA	191.792,23	220.189,00	87,10	0,00	28.396,77
7	DZ VAREŠ	445.446,78	436.469,00	102,06	8.977,78	0,00
8	DZ VISOKO	2.000.504,36	1.995.437,00	100,25	5.067,36	0,00
9	DZ ZAVIDOVIĆI	1.575.860,28	1.822.418,00	86,47	0,00	246.557,72
10	DZ ZENICA	5.539.774,16	5.925.043,00	93,50	0,00	385.268,84
11	DZ DOBOJ-JUG	401.551,61	235.718,00	170,35	165.833,61	0,00
12	DZ ŽEPČE	1.273.307,46	1.292.433,00	98,52	0,00	19.125,54
13	UKUPNO	18.380.844,70	18.152.823,00	101,26	907.370,57	679.348,87

Osam domova zdravlja ostvarilo je prekoračenje potrošnje u iznosu od 907.370,57 KM, dok su četiri doma zdravlja ostvarila uštedu potrošnje lijekova u iznosu od 679.348,87 KM.

Domovi zdravlja Tešanj, Doboj jug, Breza, i Maglaj i dalje bilježe najveće prekoračenje u potrošnji lijekova sa Liste lijekova za dvanaest mjeseci 2017. godine.

U skladu sa članom 30. Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 6/15 i 5/16), Službe domova zdravlja dužne su da vrše kontrolu propisanih i izdatih lijekova po vrsti, obimu i šiframa doktora koji su iste propisali.

U slučaju prekoračenja (opredjeljeno ugovorenih sredstava) zdravstvene ustanove nisu obavezne da učestvuju u pokriću iskazanog prekoračenja, puno prekoračenje potrošnje lijekova pada na teret Zavoda.

Četiri doma zdravlja su ostvarila uštede potrošnje lijekova u odnosu na opredjeljeno-ugovorena sredstva u iznosu od 679.348,87.

R/B	ZDRAVSTVENA USTANOVA	IZNOS/KM
1	DZ ZENICA	385.268,84
2	DZ ŽEPČE	19.125,54
3	DZ USORA	28.396,77
4	DZ ZAVIDOVIĆI	246.557,72
	UKUPNO:	679.348,87

Ušteda potrošnje lijekova u odnosu na opredjeljeno ugovorena sredstva na osnovu člana 30. i 31.

Odluke o kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 6/15 i 5/16) ustupljena je zdravstvenim ustanovama na sljedeći način:

R/B	ZDRAVSTVENA USTANOVA	DOM ZDRAVLJA	POTRAŽIVANJA KB ZENICA OD DZ	POTRAŽIVANJA OB TEŠANJ OD DZ
1	DZ ZENICA	360.996,90	24.271,94	0,00
2	DZ ŽEPČE	19.010,79	95,63	19,12
3	DZ USORA	28.396,77	0,00	0,00
4	DZ ZAVIDOVIĆI	244.589,14	489,24	1.479,34
	UKUPNO:	652.993,60	24.856,81	1.498,46

Zavod je u skladu sa Odlukom Upravnog odbora broj: 04-100-26-24/18 od 15.02.2018.godine, domovima zdravlja koji su ostvarili uštede ustupio iznos od 679.348,87 KM, te proveo knjiženja u svojim poslovnim knjigama.

Ukoliko se vrši komparacija utrošenih sredstava za lijekove sa Liste za dvanaest mjeseci 2017. godine u odnosu na planirana sredstva, tabelarnim prikazom imamo sljedeće stanje:

PLANIRANA SREDSTVA FINANANSIJSKIM PLANOM ZA PERIOD I-XII 2017 GODINU	UKUPNI RASHODI ZA LIJEKOVE SA LISTE LIJEKOVA I INZULINE ZA PERIOD I-XII 2017. GODINE	INDEX
24.319.500	23.795.865	97,8

Ukupna potrošnja lijekova sa Liste lijekova skupa sa inzulinima za period 01.01.-31.12.2017. godine, manja je za 2,2% u odnosu na planirana sredstva u Finansijskom planu za 2017. godinu.

Tabelarni prikaz potrošnje inzulina sa Liste

INZULINI I-XII 2017	INZULINI I-XII 2016	INDEX 2016/2017
4.735.671	4.573.166	103,6

Iz tabele je vidljivo da je potrošnja inzulina veća za 3,6% u 2017. godini u odnosu na potrošnju inzulina iz 2016. godine.

Tabelarni prikaz potrošnje lijekova i inzulina sa Esencijalne liste

VRSTA LIJEKOVA	POTROŠNJA I-XII 2017	POTROŠNJA I-XII 2016	INDEX 2017/2016
LIJEKOVI SA ESENCIJALNE LISTE	19.060.194	18.862.991	101,0
INZULINI	4.735.671	4.573.165	103,6
UKUPNO	23.795.865	23.436.157	101,5

Potrošnja lijekova i inzulina sa Esencijalne liste u 2017. godini veća je za 1,5% u odnosu na 2016. godinu.

Tabelarni prikaz potrošnje lijekova po posebnom odobrenju

LIJEKOVI PO POSEBNOM ODOBRENJU I-XII 2017	LIJEKOVI PO POSEBNOM ODOBRENJU I-XII 2016	FINANSIJSKI PLAN I-XII 2017	INDEX 1/3	INDEX 1/2
1	2	3	4	5
672.006	656.126	700.000	96,0	102,4

Lijekovi po posebnom odobrenju su svi oni lijekovi koji se prema medicinskim indikacijama i na osnovu medicinskih dokaza za određena dijagnosticirana stanja, a najčešće se radi o specijalnoj hrani za oboljele od celijakije, za oboljele od fenilketonurije, hormonu rasta, monoklonskim antitijelima, do 17.05.2017. godine transdermalnim flasterima itd., odobrava Ministar zdravstva Zeničko-dobojskog kantona, a na teret sredstava obaveznog zdravstvenog osiguranja.

Za lijekove po posebnom odobrenju za period 01.01.-31.12.2017. godine utrošeno je 672.006 KM, što je u odnosu na planirana sredstva manje za 4%, a više za 2,4% u odnosu na isti period 2016. godine.

Tabelarni prikaz potrošnje lijekova sa Esencijalne liste, inzulina i lijekova po posebnom odobrenju

VRSTA LIJEKOVA	POTROŠNJA I-XII 2017	POTROŠNJA I-XII 2016	INDEX 2017/2016
LIJEKOVI SA ESENCIJALNE LISTE	19.060.194	18.862.991	101,0
INZULINI	4.735.671	4.573.165	103,6
LIJEKOVI PO POSEBNOM ODOBRENJU	672.006	656.126	102,4
UKUPNO	24.467.870	24.092.283	101,6

Ukupna potrošnja lijekova sa Esencijalne liste, inzulina i lijekova po posebnom odobrenju veća je za 1,6% ili za 375.588 KM u odnosu na 2016. godinu.

Tabelarni prikaz potrošnje dvadeset lijekova za period I-XII 2017. godine za koje je izdvojeno najviše sredstava

REDNI BROJ	NAZIV LIJEKA	UTROŠENA SREDSTVA ZA PERIOD I-XII 2017
1	SIOFER BERLIN-CHEMIE film tbl.850 mgx60	521.310,81
2	LOPRIL H BOSNALIJEK tbl 20 mg+12,5 mgx30	407.541,24
3	VAL PLUS FARMAVITA film tbl 160+12,5 mgx28	328.909,63
4	LOPRIL H BOSNALIJEK tbl 20 mg+12,5 mgx20	307.284,21
5	SERETIDE INHALER WELLCOME inhaalator 25+250 mcg 120 doza	290.318,66
6	ENAP H KRKA tbl 10mg+25mgx20	259.431,94
7	IRUZID 20 FARMAVITA tbl 20 mg+12,5 mgx30	229.389,66
8	VAL PLUS FARMAVITA film tbl 160+12,5 mgx28	212.291,71
9	SKOPRYL PLUS ALKALOID tbl 20mg+12,5mgx20	215.638,91
10	VALSACOMBI KRKA tbl. 160+12,5mgx28	197.023,48
11	BYOL LEK tbl 5MGx30	191.572,02
12	ENAP H KRKA tbl 10mg+25mgx30	185.749,12
13	LIZINOPRIL H FARMAL 20mg+12,5mgX30	174.482,29
14	RESPIRO DEVA INH.25+250mg 120 doza	162.362,14
15	SALOFALK DR FALK TBL 500mgX100	142.873,53
16	FOSTER 100MCG/6MCG CHIESI otopina prit 6+100 mcg;180	142.121,20
17	SALOFALK DR FALK REKTALNA SUSP 4g/60ml; 7 klizmi	136.089,05
18	LETROX 50 BERLIN-CHEMIE tbl 50mgx100	131.548,77
19	SIOFER BERLIN-CHEMIE film tbl.500 mgx60	119.689,73
20	LEPONEX NOVARTIS tbl 25 mgx50	111.459,89

Iz tabele je vidljivo da su najveće učešće u potrošnji lijekova sa Liste imali Siofor (lijek za liječenje šećerne bolesti), Lopril H i Val plus tablete (lijek za liječenje visokog krvnog pritiska-hipertenzije), kao i Seretide inhaleri (lijek za liječenje hroničnih oblika astme).

**Tabelarni prikaz utroška lijekova prema broju originalnih pakovanja
za period I-XII 2017. godine**

REDNI BROJ	NAZIV LIJEKA	BROJ ORG. PAK. ZA PERIOD I-XII 2017
1	SIOFOR BERLIN-CHEMIE film tbl 850mgx60	86.740
2	ENAP H KRKA tbl. 10 mg+25mgx20	64.664
3	AMINOL BOSNALIJEK tbl 50mx20	48.142
4	LOPRIL H BLK TBL.20mg+12,5mgx20	45.638
5	LOPRIL H BLK tbl.20mg+12,5mgx30	41.009
6	BYOL LEK tbl 5x30	32.632
7	SKOPRYL PLUS ALKALOID tbl 20mg+12,5mgx20	32.272
8	BOSAURIN BOSNALIJEK film tbl 5mgx30	32.154
9	ENAP H KRKA tbl 10 mg+25mgx30	30.921
10	SIOFOR BERLIN-CHEMIE film tbl 50mgx60	30.378
11	ANGINAL BOSNALIJEK tbl 20mgx30	29.512
12	LETROX 50 BERLIN-CHEMIE tbl 50mcgx100	27.815
13	FORDEX BOSNALIJEK film tbl 850mgx30	26.256
14	APAUrin KRKA film tbl 5mgx30	26.211
15	DILATREND BOSNALIJEK tbl 6,25x28	24.749
16	TEOKAP SR NOBELILLAC KAPS 200mgx30	24.193
17	CORYOL KRKA tbl 6,25 mgx28	20.352
18	BISOCOR KWIZDA tbl 5mgx30	16.955
19	PINOX FARMAVITA film tbl 10 mgx28	16.807
20	AMLODIL BOSNALIJEK tbl 10mgx30	15.292

I dalje se najviše originalnih pakovanja piše i izdaje za lijekove koji se koriste za liječenje šećerne bolesti i za regulaciju visokog krvnog pritiska-hipertenzije, dok značajni porasta bilježe i lijekovi iz grupe RO3 (antiasmatici i bronhodilatatori).

Pregled potrošnje lijekova po ljekarima koji su imali najveći udio u procentu pisanja lijekova za period I-XII 2017. godine

REDNI BROJ	NAZIV ZDRAVSTVENE USTANOVE	INICIJALI LJEKARA	IZNOS SREDSTAVA PREMA DIREKTNOM UTROŠKU LJEKARA ZA PERIOD I-XII 2017
1	DZ BREZA	M.B.	118.072,72
2	DZ KAKANJ	J.O.	103.535,30
3	DZ MAGLAJ	F.M.- M	83.324,29
4	DZ OLOVO	A.M.	99.958,34
5	DZ TEŠANJ	E.K.	118.300,40
6	DZ USORA	J.G.	88.487,00
7	DZ VAREŠ	D.P.	84.737,47
8	DZ VISOKO	DŽ.A.	106.602,78
9	DZ ZAVIDOVIĆI	G.G.	111.017,68
10	DZ ZENICA	A.H.	156.850,27
11	DZ DOBOJ-JUG	E.H.	195.137,18
12	DZ ŽEPČE	B.S.	122.562,19

Važno je istaći da su cijene lijekova u 2017. godini smanjene prema novoj Federalnoj listi i prema cijenama Agencije za lijekove i medicinska sredstva BiH, što je u znatnoj mjeri uticalo na smanjenje rashoda za lijekova sa Esencijalne liste.

Zavod zdravstvenog osiguranja Zeničko-dobojskog kantona u saradnji sa domovima zdravlja uspio je održati potrošnju lijekova na razini umjerenog porasta potrošnje, iako smo očekivali i veći porast potrošnje lijekova sa Liste obzirom na proširenje Liste A i Liste B lijekova.

Nastavit će se i dalje sa informatičkim praćenjem potrošnje lijekova, uz obavezu sačinjavanja periodičnih izvještaja o potrošnji lijekova sa Liste po domovima zdravlja i po ljekarima.

Na samom kraju analize važno je istaknuti da se Lista lijekova Zeničko-dobojskog kantona prema broju lijekova i potrošnji, nalazi na trećem mjestu u Federaciji Bosne i Hercegovine odmah iza Sarajevske i Tuzlanske Liste lijekova. Takođe je važno istaknuti da se preko dvadeset lijekova ovjerava po sistemu posebnog odobrenja Ministarstva zdravstva Zeničko-dobojskog kantona. Zavod zdravstvenog osiguranja Zeničko-dobojskog kantona, radi uređivanja problematike potrošnje lijekova u 2017. godini planirao je uvođenje elektronskog recepta. Tender za elektronski recept okončan je krajem 2017. godine i sa najpovoljnijim dobavljačem Zavod je potpisao Ugovor o implementaciji aplikacije za elektronski recept.

Znajući da troškovi lijekova predstavljaju treću po veličini stavku u okviru rashoda Finansijskog plana, kontrola pisanja i izdavanja lijekova sa Liste može znatno utjecati na pozitivno ili negativno poslovanje Zavoda. Imajući u vidu navedeno, stavka potrošnje lijekova sa Liste pod stalnim je nadzorom Stručne službe Zavoda, s ciljem uređivanja neopravdanog pisanja i izdavanja lijekova.

Vlada Zeničko-dobojskog kantona je na sjednici održanoj 26.02.2018. godine, razmatrala Informaciju o potrošnji lijekova sa Liste lijekova koji se propisuju na teret sredstava obaveznog zdravstvenog osiguranja za period 01.01.-31.08.2017. godine i donijela Zaključak broj: 02-37-3380/18 kojim je Informacija primljena na znanje, sa prijedlogom mjera.

Zaključkom broj: 02-37-3381/18 od 26.02.2018. godine zadužen je Zavod zdravstvenog osiguranja Zeničko-dobojskog kantona, da putem Ministarstva zdravstva, dostavi Vladi Zeničko-dobojskog kantona Informaciju o potrošnji lijekova sa Liste lijekova koji se propisuju na teret sredstava obaveznog zdravstvenog osiguranja za 2017. godinu, najkasnije do kraja marta 2018. godine.

Zavod zdravstvenog osiguranja Zeničko-dobojskog kantona je u fazi implementacije softvera za E-recept na osnovu ugovora sa grupom ponuđača Cuspis doo.

Očekujemo da do maja 2018. godine bude implementiran E-recept u svim Općinama Zeničko-dobojskog kantona.

Zaključak i prijedlog mjera

Uvođenjem E-recepta pojednostavljaju se procedure propisivanja i izdavanja lijekova, smanjuju troškovi i poboljšava kvalitet zdravstvene usluge.

Zavod je poduzeo i koordinira sve potrebne aktivnosti sa isporučiocem softvera, domovima zdravlja i apotekama kako bi se implementacija E-recepta do predviđenog roka nesmetano odvijala.

Uz naprijed navedeno:

1. Zavod je u ugovorima o međusobnim odnosima za pružanje zdravstvene zaštite za 2018. godinu, predvidio mogućnost oduzimanje šifre ljekarima na određeni period za pisanje lijekova sa Esencijalne liste lijekova kod kojih se kontrolom utvrdi da ne propisuju lijekove sa Liste u skladu sa važećim kriterijima.
2. Zavod će nastaviti vršiti redovnu kontrolu domova zdravlja koji su najveći potrošači na način Komisijskog uvida u pisanje i izdavanje lijekova sa Liste.
3. Zavod će u narednom periodu nastaviti pratiti rad Komisija za lijekove u svim domovima zdravlja analizirajući izvještaje pomenutih komisija.

Zenica, mart 2018. godine

DIREKTORICA
Mirzeta Subašić, dipl.oec